

رسالة من خالد عسكر المحال أوراقه للمفتي في قضية قتل الحارس إلى أخته



الثلاثاء 22 ديسمبر 2015 12:12 م

رسالة من خالد عسكر المحال أوراقه للمفتي في قضية قتل الحارس إلى أخته:

بسم الله الرحمن الرحيم
الى حبيبة قلبي الرقيقة /منى
السلام عليكم ورحمة الله وبركاته
طبعاً مش عارف أفولك وحشتيني علشان الكلمة معدتش تكفي و معدش في كلام يكفي....عسى الله أن يهون على قلبي واشوفكم
و أذككم في حضني لتطمئن نفسي ويهدأ قلبي و اشوف ابتسامتكم و اسمع كلامكمعسى ان يكون قريباً
خلينا بقى من الكلام بتاع الحب و الشوق ده و ارحم عليكم و أطمئنكم على نفسي انا و الحمد لله كويس جدا و في حالة رضا و ثبات و ده
طبعاً كرم من عند ربنا
جالي الخبر و انا كنت بغسل الهدوم تخيلي عملت ايه بقه !!!
ولا حاجة رحت نشرت الهدوم و رجعت قعدنا نضحك و الموضوع بالنسبة لنا ولا شئ لأننا واثقين ان ماعند الله خير و أبقي و حقيقي شفنا
قيمة الدنيا هنا و حقيقتها و لقينا ان المكان هنا دار ممر و ليست دار مستقر فعلام الحزن ان كُنا مفارقين ان عاجلاً او اجلاً و لن يصيبنا الا
ما كتب الله لنا فأيماً كان الحكم فالرد واحد و ثابت الحمد لله على قدر الله و لن يصيبنا الا ما كتب الله لنا
لا أبالي حين اقتل مسلماً على اي جنب كان في الله مصرعي]

المهم انا مش عايز اشوف اللي حصل المره اللي فاتت في اي مرة جاية
بتكلم عن العياط و الحزن و الضيق و الحاجات ديه
صحيح احنا بشر بس انا نفسي ربنا ينظر الى العائلة بتاعتنا على ما فيها من ابتلاءات فلا يجد في قلوبنا الا الصبر و الثبات و الرضا و
القناعة بما عند الله فينظر إلينا نظرة رحمة و يرفع عنا البلاء و يدخلنا الجنة معاً]

ننتقل من فقرة الوعظ و النصح الديني الى فقرة الطمأنينة على حالك و حال الأحباب اخباركوا ايه يا رب تكونوا بخير
حاولي ابعتيلي تطميني عليكي و على الدكتور و الولاد وحشوني كلهم و الله نفسي أخذ الولاد حزن كبير افعصهم فيه و خاصة
النونو الصغيرة ليان

سلميلي عليهم يا منى لحد لما اطلعهم علشان اوريهم العين الحمراء ههههه ؛
بس يا رب ميضربونيش و قوليلهم بلاش العض و الخربشة
سامحيني الفترة اللي فاتت قصرت شوية في حقك بس زي ما تقولي كنت محتاج فترة ارتب فيها دماغي و اقعد مع نفسي شوية صحيح
متأخر بس انت عارفه ما بنذكرش الا في اخر لحظة .

خلينا نرجع للواقع شوية باقي عن الحكم حاجة بسيطة و عموما ممكن خلال الفترة القادمة يبقى صعب شوية التواصل و محدش يعرف
الدنيا هتنتهي الى ايه علشان كده عايز منك حاجتين

• الاولى : تصبري و تصبري ماما و تقفي جنبها و لمي اخواتي حوالها مش عايزها تقعد فاضية علشان متفكرش كثير
• الثانية: انك تعرفي انك كنتي أحب بنوته لقلبي كنتي اختي و بنتي عطيت كثير يوم فرحك على الرغم من حبي لدكتور / احمد و ثقفتي
فيه و كنت ساعتها صغير شوية ههههه .

صحيح قصرت معاك زي ما قصرت مع كل الناس اللي بحبها]]]] مش عارف بقول الكلام ده ليه بس لو معرفتيش دلوقتي هتعرفي
أمته ؟

و طبعاً هبقى سعيد لو معاليكم افتكرتيني في دعائك و دعيتلي ان ربنا يرضى عني و يرضيني

وسلامي لأعز الأحياب د/احمد و الأبناء العفاريت
محمد و سارة و ليان ... و متكتريش في السوشي (بيين أني فاهم)

و حته من بتاعت السجون سلاميلي على نفسك و خدي حزن للجميع و الى لقاء الله وحده يعلم متى سيكون و أين و لكن ظننا في
الله خير و في كرمه و لطفه
السلام عليكم و رحمة الله و بركاته